


大智度論

第九十二

二百十七  
空二

48928



Vertical text or stamp, possibly a library or archival mark.

大智度論卷第九十二

空

龍樹菩薩造

姚秦三藏法師鳩摩羅什譯

釋淨土品第八十二上

尔時須菩提作是念何等是菩薩摩訶薩道  
菩薩住是道能作如是大誓莊嚴佛知須菩  
提心所念告須菩提六波羅蜜是菩薩摩訶  
薩道三十七助道法是菩薩摩訶薩道十八  
空是菩薩摩訶薩道八背捨九次第定是菩  
薩摩訶薩道佛十力乃至十八不共法是菩  
薩摩訶薩道一切法亦是菩薩摩訶薩道須  
菩提於汝意云何頗有法菩薩所不學能得  
阿耨多羅三藐三菩提不須菩提無有法菩



薩所不應學者何以故菩薩不學一切法不能得一切種智須菩提白佛言世尊若一切法空云何言菩薩學一切法將無世尊無戲論中作戲論耶所謂是此是彼是世間法是出世間法是有漏是無漏是有爲是無爲是凡夫人法是阿羅漢法辟支佛法是佛法佛告須菩提如是如是一切法實空須菩提若一切法不空者菩薩摩訶薩不得阿耨多羅三藐三菩提須菩提今一切法實空故菩薩摩訶薩能得阿耨多羅三藐三菩提須菩提如汝所言若一切法空將無佛於無戲論中作戲論分別此彼是世間法是出世間法乃

至是佛法須菩提若世間衆生知一切法空  
菩薩摩訶薩不學一切法得一切種智須菩  
提今衆生實不知一切法空以是故菩薩摩  
訶薩得阿耨多羅三藐三菩提已分別諸法  
為衆生說須菩提於是菩薩道從初已來應  
如是思惟一切諸法中定性不可得但從和  
合因緣起法故有名字諸法我當思惟諸法  
實性無所著若六波羅蜜性若三十七助道  
法若須陀洹果乃至阿羅漢果若辟支佛道  
若阿耨多羅三藐三菩提何以故一切法一  
切法性空空空不著空空亦不可得何況空中  
有著者須菩提菩薩摩訶薩如是思惟不著一

切法而學一切法住是學中觀衆生心行是  
衆生心在何處行知衆生虛妄不實中行是  
時菩薩作是念是衆生著不實虛妄法易度  
耳是時菩薩摩訶薩住般若波羅蜜中以方  
便力故如是教化言汝諸衆生當行布施可  
得饒財亦莫恃布施果而自高何以故是中  
無堅實法持戒禪定智慧亦如是諸衆生行  
是法可得須陀洹果乃至阿羅漢果辟支佛  
道佛道莫念有是法如是教化行菩薩道而  
無所著是中無有堅實故若如是教化是名  
行菩薩道於諸法無所著故何以故一切法  
無著相以性無故性空故須菩提是菩薩摩

訶薩如是行菩薩道時無所住是菩薩用不  
住法故行檀波羅蜜亦不住是中行尸羅波  
羅蜜亦不住是中行羸提波羅蜜亦不住是  
中行毗梨耶波羅蜜亦不住是中行禪波羅  
蜜亦不住是中行般若波羅蜜亦不住是中  
行初禪亦不住是中何以故是初禪初禪相  
空行禪者亦空所用法亦空第二第三第四  
禪亦如是慈悲喜捨四無色定八背捨九次  
第定亦如是得須陀洹果亦不住是中得斯  
陀含果阿那含果阿羅漢果亦不住是中得  
辟支佛道亦不住是中須菩提白佛言世尊  
何因緣故不住是中佛言二因緣故不住是

中何等二一者諸道果性空無任處亦無所用  
用法亦無任者二者不以少事爲足作是念  
我不應不得須陀洹果我必應當得須陀洹  
果我但不應是中任乃至辟支佛道我不應  
不得我必應當得我但不應是中任乃至得  
阿耨多羅三藐三菩提不應任何以故我從  
初發意已來更無餘心一心向阿耨多羅三  
藐三菩提須菩提菩薩一心向阿耨多羅三  
藐三菩提中遠離餘心所作身口意業皆應  
阿耨多羅三藐三菩提須菩提是菩薩摩訶  
薩任是一心能生菩提道須菩提白佛言世  
尊若一切諸法不生去何菩薩摩訶薩能生



菩提道佛告須菩提如是如是是一切法無生  
云何無生無所作無所起者一切法不生故  
須菩提白佛言世尊有佛無佛諸法法相不  
常住耶佛言如是是有佛無佛是諸法法  
相常住以衆生不知是法住法相爲是故菩  
薩摩訶薩爲衆生故生菩提道用是道拔出  
衆生生死須菩提白佛言世尊用生道得菩  
提佛言不也世尊用不生道得菩提佛言不  
也世尊用不生非不生得菩提佛言不也須  
菩提言世尊云何當得菩提佛言非用道得  
菩提亦不用非道得菩提須菩提菩提即是  
道道即是菩提須菩提白佛言世尊若菩提

即是道道即是菩提者今菩薩未作佛時應  
當得阿耨多羅三藐三菩提云何說諸佛多  
陀阿伽度阿羅呵三藐三佛陀有三十二相  
八十隨形好十力四無所畏四無礙智十八  
不共法大慈大悲佛告須菩提於汝意云何  
佛得菩提不不也世尊佛不得菩提何以故

佛即是菩提菩提即是佛如須菩提所問菩  
薩時亦應得菩提須菩提是菩薩摩訶薩具  
足六波羅蜜三十七助道法具足佛十力四  
無所畏四無礙智十八不共法具足住如金  
剛三昧用一念相應慧得阿耨多羅三藐三  
菩提是時名爲佛一切法中得自在須菩提

白佛言世尊云何菩薩摩訶薩淨佛國土佛  
言有菩薩從初發意已來自除身口意除口  
除業除意除業亦淨他人身口意除業世尊  
何等是菩薩摩訶薩身口意除業意除業  
佛告須菩提不善業若殺生乃至邪見是名  
菩薩摩訶薩身口意除業復次須菩提慳貪  
心破戒心瞋心懈怠心亂心愚癡心是名菩  
薩意除業復次戒不淨是名菩薩身口意除  
業復次須菩提若菩薩遠離四念處行是名菩  
薩除業遠離四正勤四如意足五根五力七  
覺分八聖道分空三昧無相無作三昧亦名  
菩薩除業復次須菩提菩薩摩訶薩貪須陀

恒果乃至貪阿羅漢果證辟支佛道是名菩薩摩訶薩鹿業

釋曰上來須菩提常種種問空法以時會疑其已體寂滅無戲論法猶復多問是以不問而心念復次有菩薩及諸天深入禪定不好語言而欲得法利是故須菩提不發言而心念問曰須菩提雖無言而世尊以言答答曰佛身色視無厭足如色無厭聲亦是雖語而不妨細禪定行是故佛以言答復次佛安立寂滅相於阿耨多羅三藐三菩提中任不分別一切法若善若不善等衆生有疑而問佛隨所問所念而答是故不與須菩提同須

菩提聞是六波羅蜜等諸法甚深義不能得  
其邊是故問何等是菩薩道行是道如清淨無  
無所著六波羅蜜等諸善法莊嚴佛知其意  
於須菩提所益雖少為增益諸菩薩故答六  
波羅蜜等是菩薩道六波羅蜜是菩薩初發  
心道次行四禪八背捨九次第定及三十七  
品道但求涅槃十八空佛十力等微細但為  
求佛道六波羅蜜道多為衆生故三十七品  
等但求涅槃十八空等於涅槃中出過聲聞  
辟支佛地入菩薩位道是三種皆是生身菩  
薩所行所以者何分別諸法故今又一切法  
皆是菩薩道是法性生身菩薩所行不見諸

法有好惡安立諸法平等相故此中佛自說  
因緣菩薩應學一切法若一法不學則不能  
得一切種智學一切法者用一切種門思惟  
籌量修觀通達須菩提白佛若一切法一相  
所謂空云何菩薩學一切法將無於無戲論  
相法中作戲論耶所謂此彼諸法略說是戲  
論相此東彼西是上是下是常是無常是實  
是空是世間是出世間乃至是二乘法是佛  
法佛可其說一切法空相若法實定有不空  
者即是無生無滅無生無滅故無四諦無四  
諦故無佛法僧寶如是三寶等諸法皆壞今  
諸法實空乃至空相亦空衆生愚癡顛倒故

著是故於衆生中起悲心欲拔出故求佛身  
力欲令衆生信受其語捨顛倒入諸法實相  
是故菩薩雖知諸法空而爲利益衆生分別  
說若衆生自知諸法空菩薩但自住空相中  
不須學分別一切法菩薩行菩薩道時從初  
發意已來如是思惟一切法無定實性但從  
因緣和合起是衆因緣亦各各從和合起乃  
至到畢竟空畢竟空唯是一法實餘者無性  
故皆虛誑我從無始世來者是虛誑法於六  
道中馱受苦惱我今是三世十方佛子般  
若是我母今不應復隨逐虛誑是故菩薩乃  
至畢竟空中亦不著何況餘法所謂檀波羅

蜜等。介時菩薩照明菩薩道。其心安隱。自念  
我但斷著心道。自然至知是事已。念衆生深  
著世間。而畢竟空。亦空無性。無有住處。衆生  
難可信受。爲令衆生信受。是法故學一切法  
修行。生起是度衆生方便法。觀衆生心行所  
起。知好何法。念何事。所志願觀時。悉知衆生  
所著處。皆是虛誑顛倒憶想分別。故著無有  
根本實事。介時菩薩大歡喜。作是念。衆生易  
度耳。所以者何。衆生所著皆是虛誑。無實譬  
如。人有一子。喜在不淨中。戲聚土爲穀。以草  
木爲鳥獸。而生愛著。人有奪者。瞋恚啼哭。其  
父知已。此子今雖愛著此事。易離耳。以大白



休何以故此物非真故菩薩亦如是觀衆生  
愛著不淨臭身及五欲是無常種種苦因知  
是衆生得信等五善根成就時即能捨離若  
小兒所著實是真物雖復年至百歲著之轉  
深不可得捨若衆生所著物定實有者雖得  
信等五根著之轉深亦不能離以諸法皆空  
虛誑不實故得無漏清淨智慧眼時即能遠  
離所著大自慙愧譬如狂病所作非法醒悟  
之後羞慙無顏菩薩知衆生易度已安住般  
若中以方便力教化衆生汝等當行布施可  
得饒財莫恃是布施果報而自憍高此中無  
有堅實皆當破壞與未布施時無異持戒等

乃至十八不共法亦如是是諸法雖清淨大有所益皆是有為法從因緣生無有自性汝等若著是法能生苦惱譬如熱金丸雖是寶物捉則燒手如是菩薩教化衆生行菩薩道自無所著亦為衆生說無所著以無著心行檀波羅蜜故於檀中不任不任者所謂布施時不取三種相亦不著果報而自高生罪業布施果報滅壞時亦不生惱尸羅波羅蜜乃至阿耨多羅三藐三菩提亦是此中佛自說不任因緣有二種一者菩薩深入空不見諸法性故不任二者不以小事為足故不任是菩薩無有異心但一向能生菩提道須菩

提白佛若一切法無生云何菩薩能生菩提  
道佛可須菩提意一切法無生我實處處說  
諸法無生非爲凡夫說但爲得無作解脫不  
起三種業者說復問世尊佛自說有佛無佛  
諸法法相常住如聖人法相空凡人亦如是  
佛可其所說諸法實相常住以衆生不知不  
解故起菩提道但爲除凡夫顛倒法故名爲  
道若決定有道可著者即復是顛倒道非道  
平等即是道是故不應難須菩提復問云何  
可得菩提用生道故得耶佛言不也何以故  
生道者菩薩觀是有爲法生滅相謂是實是  
故不如先說熱金丸喻不生法即是無爲無

作法故亦不可以得菩提生不生二俱有過  
故非生非不生得菩提耶答言不也問曰若  
生不生二俱有過非生非不生復不應有過  
何以言不得答曰若分別非生非不生是好  
是醜取相生著故故言有過若能不著則是  
菩提道須菩提問若不以四句得者云何得  
道佛答不以道不以非道則得菩提何以故  
菩提即是道道即是菩提菩提名諸法實相  
是諸佛所得究竟實相無有變異一切法入  
菩提中皆寂滅相如一切水入大海同爲一  
味是故佛說菩提性即是道性若菩提性道  
性異者不名菩提爲無戲論寂滅相是故說

菩提即是道道即是菩提復次是二法異者  
行道不應到菩提諸法因果不一不異故須  
菩提復問若尔者菩薩行道應便是佛所以  
者何道即是菩提故又佛應是菩薩何以故  
菩提即是道故今何以說有差別佛有十力  
等三十二相八十隨形好須菩提爲新學菩  
薩故分別難佛菩薩應即是佛佛以反問答  
佛得菩提不答言不也何以故菩提不離佛  
佛不離菩提二法和合故是佛是菩提是故  
不應難言菩薩即是佛此揔相答問曰佛是  
衆生菩提是法云何言佛即是菩提答曰先  
有三十二相莊嚴身六波羅蜜等功德莊嚴

心而不名為佛得菩提故名之為佛是故言  
佛與菩提不異微妙清淨五眾和合假名為  
佛法即是五眾五眾不離假名菩提即是五  
眾實相一切法皆入菩提故是故佛即是菩  
提菩提即是佛但凡夫心中分別有異

問曰汝先論議中說言菩提與道不一不異  
經中何以說道即是菩提菩提即是道佛即  
是菩提菩提即是佛

答曰一異雖俱不實而多用一故此中說菩  
提即是道道即是菩提無咎如常無常是二  
邊常多生煩惱故不用無常能破顛倒故多  
用事既成辦亦捨無常此中亦如是若以觀

種種別異法故多生著心若觀諸法一相若無常苦空等是時煩惱不生著心少故是故多用是一於實義中一亦不用若著一即復是患復次別異無故一亦不可得相待法故但以不著心不取一相故說無咎一不實故菩薩不得即是佛復次今佛更答須菩提自說因緣菩提雖寂滅相而菩薩能具足六波羅蜜等諸功德住金剛三昧以一念相應慧得阿耨多羅三藐三菩提爾時於一切法中自在得名為佛菩薩雖知道及菩提不異未具足諸功德故不名為佛又佛諸事畢竟願行滿足故不名為菩薩得者是佛法是菩提

求菩提者是菩薩。須菩提從佛聞菩提相道。相成就衆生已。今問淨佛國土事。諸阿羅漢辟支佛無有力。知淨佛國事。是故問。問曰。何等是淨佛土。答曰。佛土者。百億日月。百億須彌山。百億四天王等。諸天。是名三千大千世界。如是等無量無邊三千大千世界。名爲一佛土。佛於此中。施作佛事。佛常晝三時。夜三時。以佛眼遍觀衆生。誰可種善根。誰善根成熟。增長誰善根。成就應得度。見是已。以神通力。隨所見教化衆生。心隨逐。外緣得隨意事。則不生瞋惱。得不淨。無常等因緣。則不生貪欲。等煩惱。若得無所有。空。因緣。則不生癡等諸



煩惱是故諸菩薩莊嚴佛土爲令衆生易度  
故國土中無所乏少無我心故則不生慳貪  
瞋恚等煩惱有佛國土一切樹木常出諸法  
實相音聲所謂無生無滅無起無作等衆生  
但聞是妙音不聞異聲衆生利根故便得諸  
法實相如是等佛土莊嚴名爲淨佛土如何  
弥陀等諸經中說佛菩薩從初發意來自  
淨處身口意業亦教他人淨處身口意業  
問曰若菩薩淨佛土是菩薩得無生法忍任  
神通波羅蜜然後能淨佛土今何以言從初  
發意來淨處身口意業答曰三業清淨非但  
爲淨佛土一切菩薩道皆淨此三業初淨身

口意業後爲淨佛土自身淨亦淨他人何以  
故非但一人生國土中者皆共作因緣內法  
與外法作因緣若善若不善多惡口業故地  
生荆蕪諂誑曲心故地則高下不平慳貪多故  
則水旱不調地生沙礫不作上諸惡故地則  
平正多出珍寶如弥勒佛出時人皆行十善  
故故地多珍寶問曰若布施等諸善法得淨  
佛土果報何以但說淨三業答曰雖知善惡  
諸法是苦樂因緣如一切心心數法中得道  
時智慧爲大攝心中定爲大作業時思爲大  
得是思業已起身口業布施禪定等以思爲  
首譬如縫衣以針爲道受後世果報時業力

爲大是故說三業則攝一切業法。意業中盡攝一切心數法。身口則攝一切色法。入身行三種福德具足則國土清淨。內法淨故外法亦淨。譬如面淨故鏡中像亦淨。如毗摩羅經中說不殺生故人皆長壽。如是等問曰身口意麤業是事易知。須菩提何以故。問荅曰。麤細不定。故如求道人中布施是麤善。於白衣爲細。如小乘中不善業爲麤。善業爲細。摩訶衍中取善法相乃至涅槃皆名爲麤。以麤細不定故。問佛次第爲說。麤業相所謂奪命乃至邪見是三種身業。四種口業。三種意業。皆名爲麤。復次破菩薩六波羅蜜法。慳貪等

皆名爲麁問曰先說十不善道已攝慳貪等  
何以復別說答曰是六法不入十不善道十  
不善道皆是惱衆生法是六法不但爲惱衆  
生如慳心但自惜財不惱衆生貪心有二種  
一但貪他財未惱衆生二者貪心轉盛求而  
不得財欲毀害是名業道以能起業故瞋亦  
如是小者不名業道以其能趣惡處故爲道  
是故別說六法無答問曰六波羅蜜中已說  
今何以復說戒不淨答曰破戒法是殺生等  
麁罪戒不淨是微細罪不惱衆生如飲酒等  
不入十不善道復次破五衆戒名爲破戒不  
破所受戒常爲三毒覆心不憶念戒迴向天

福邪見持戒如是等名爲戒不淨復次若菩薩心遠離四念處等三十七品三解脫門是名麁業所以者何此中心皆觀實法隨涅槃不隨世間若出四念處等法心則散亂譬如蛇行本性好曲若入竹筍則直出筍還曲復次若菩薩貪須陀洹果證是爲麁如人聞佛說須陀洹果不墮三惡道盡無量苦如五十四由旬池水餘在者如一滴二滴則生貪心以其心不牢固本求作佛爲衆生今爲自身而欲取證是爲欺佛亦負衆生是故名麁譬如人請客欲設飲食而竟不與是則是妄語負客菩薩亦如是初發心時作願我當作佛度

一切衆生而貪須陀洹是則負一切衆生如貪  
須陀洹果乃至貪辟支佛道亦如是

大智度論卷第九十二 釋第八十二品上 空

恃音市羞音羞荆音修上棘音京下礫音盛縫音逢

竹音竹筍音董下滂音非下正音作



